



Comunicado di Prensa

19 di october 2018

CAft: Economisacion structural riba, entre otro, personal ta necesario pa yega na finansa publico sostenibel

Oranjestad – Pa yega na finansa publico sostenibel CAft ta recomenda pa implementa economisacion structural den e presupuesto. E gastonan lo aumenta den e proximo añanan debi na subida di e tasanen di interes y e pagonan di disponibilidad di e Public-Private Partnerships (PPP). Pa yega na reduccion di e cuota di debe, surplus den e presupuesto ta necesario den e proximo añanan. Relaciona cu esey reduccion structural di e gastonan di personal ta inevitabel.

Pa yega na finansa publico sostenibel, Aruba mester percura pa economisacion structural di gasto. E proyecto di presupuesto pa 2019 ta cumpli cu e norma presupuestario previsto di -0,5% pa 2019. Sin embargo, e norma aki lo subi te na +0,5% y 1% den e añanan siguiente. Banda di esey, tin indicacion di aumento di e gastonan di interes, pa motibo cu e debe publico ta yega na casi 90% di e PIB y e tasanen di interes internacional ta muestra un aumento. Tambe e pagonan di disponibilidad di e proyectonan PPP lo aumenta considerablemente den e proximo añanan. Sin e expectativa di ingreso mas halto, economisacion structural di gasto ta necesario.

Reduccion di e gastonan di personal di Aruba ta un manera necesario pa hiba e pais padilanti. Den e trayecto di tende tur dos parti anteriormente e aña aki un di e tres recomendacionnan di CAft tabata pa reduci structuralmente e gastonan di personal di mas aña. Gobierno di Aruba a presenta un plan den cual e gastonan di personal lo baha na 2018. E plan aki ta muestra tambe economisacion den e gastonan di personal pa 2019 y e añanan posterior. CAft kier a hala Gobierno su atencion riba e echo cu mester logra e ambicionnan den e plan aki minimalmente. Medida structural ta necesario. Cu interes CAft a tuma nota tambe di e intencion di Gobierno di reforma e sistema fiscal, cu ta masha anticua.

CAft ta enfatisa cu ta di esencial importancia pa prome cu fin di e aña aki Gobierno de Aruba y Consejo di Ministro di Reino logra yega na un acuerdo tocante un cuadro legal di supervision for di 2019. Esaki ta necesario pa CAft pa por emiti un consejo tocante e presupuesto aproba. Te awor Aruba a aplica un norma presupuestario pa 2019 di -0,5% di e PIB y a uza esaki den e evaluacion di CAft di e proyecto di presupuesto. Ademá di e conclusionnan ya menciona, CAft ta pidi pa fiha tambe un cuadro di mas aña pa 2020 y 2021 y pa ahusta e pronosticonan fiscal den e proyecto di presupuesto na e expectativanan real a base di e realizacion di e aña aki.

CAft a bishita Aruba den e ultimo dianan aki. E bishita aki tabata e prome bishita di Señora Hellen van der Wal y Señor Henk Kamp como miembro di CAft. Señora Van der Wal ta miembro di CAft postula pa Aruba y Señor Kamp postula pa Hulanda. Tur dos a tuma asiento den CAft entrante dia 1e. di augustus 2018, cu Raymond Gradus como presidente. Manera ta usual durante e bishitanan di Colegio na Aruba a hiba combersacion cu Gobernador, Ministro di Finansa, Asunto Economico y Cultura, Consejo di Ministro y e Comision di Finansa, Asunto Economico y Organizacion Gubernamental di Parlamento. Tambe CAft a bishita Banco Central di Aruba.

[Fin di e Comunicado di Prensa]

Fotografo:

Erik Boeldak

Texto na e potret:

Reduccion di e gastonan di personal di Aruba ta un manera necesario pa hiba e pais padilanti.

Nota pa redaccion – no pa publicacion

Persona di contacto na Cft:

Secretariado di Colegio di supervision financiero di Aruba



Manus Twisk - Secretario
Telefon (+5999) 461-9081 / (+5999) 461-9082 / (+5999) 461-9084
Email info@cft.cw
Internet www.cft.cw

Persona di contacto cu Prensa:

Jefka Martina
Telefon (+5999) 512-6861